

Practicist da chemia e farmaceutica AFP

Practicista da chemia e farmaceutica AFP

Chemie, Kunststoffe

Chemie

Practicistas e practicists da chemia e farmaceutica gidan a producir medicaments, products cosmetics ed auters products chemics. Ellas ed els utiliseschan materias primas che pon esser privlusas. Observond las instrucziuns da lur persunas superiuras exequeschan ellas ed els ils process cun agid d'apparats e d'installaziuns. Ellas ed els preparan ils apparats per ils ulteriurs pass da lavur e nettegian e controlleschan quels suenter ils pass da lavur.

Incumbensas

Preparar materias primas

- determinar las materias primas e prender emprovas per il process da produczion, per exempel tscherner cun grond quità las buts cun ils differents products
- transportar ils products cun agid da differents systems da transport ed als magasinar correctamain
- retrair las materias primas or dals recipients ed or dals vaschs e preparar tenor las instrucziuns
- installar ils plazs da lavur, ils instruments ed ils apparats per il process da produczion
- preparar ed installar tenor las prescripziuns da segirezza systems da stgaudar e da sfradentar sco er systems idraulics ed electricis per il process da produczion
- dismetter u reciclar tenor instrucziun il material restant ed ils ruments

Realisar process da produczion

- inserir las materias primas en ils apparats ed en las installaziuns ed observar ils process da produczion
- realisar ils process technics tenor las prescripziuns dal manaschi, sco stgaudar, sfradentar, maschadar, truschar, filtrar, destillar, setgentar, springir e pachetar
- inscriber en in cudesch da protocols tut las observaziuns dal process durant l'elavuraziun, sco per exempel la temperatura e la durada
- retrair tut ils products u tut las substanzas or dals apparats ed or da las installaziuns suenter ch'il process è terminà

Nettegiament e mantegniment

- nettegiar e tgirar ils apparats, las installaziuns ed ils urdains pitschens, sco ils cups da mesirar ed ils pistuns
- tegnair nets ils plazs ed ils locals da lavur
- controllar – suenter il nettegiament – sch'ils apparats e las installaziuns funcziunan

Ambient da lavur

Practicistas e practicists da chemia e farmaceutica lavuran en ils labors da firmas spezializadas. Ellas ed els portan in equipament da protecziun individual, sco egliers, mascrina per la fatscha, guants, protecziun da la fatscha, overal ed in chapitsch arià e ston observar strictamain las mesiras da segirezza. Ellas ed els collavuran principalmain cun tecnologas e tecnologs da chemia e farmaceutica, che surveglian lur lavur. En quest sector vegn producì durant 7 dis l'emna, quai signifitga temps da lavur irregulars e servetschs da notg, er durant las fins d'emna.

Practicistas e practicists da chemia e farmaceutica lavuran il pli savens en manaschis da produczion da l'industria chemica, agrochemica, biotecnologica, farmaceutica u cosmetica. La purschida da plazzas d'emprendissadi corresponda circa a 

dumonda. Cunzunt en las regiuns da Basilea e dal Vallais datti bleras pussaivladads da lavurar en manaschis gronds. En autras regiuns predomineschan las interpresas pli pitschnas e mesaunas.

Pretensiuns e interess

Pretensiuns

- Abilitad da lavurar en in team
- Prontezza da lavurar durant uras irregularas u servetschs da notg
- Moda da lavurar sistematica
- Resistenza corporala
- Moda da lavurar conscienziusa ed exacta
- Dun d'observar
- Perseveranza e capaciad da tegnair la dira

Interess

- Lavurar en moda exacta
- Schliar incumbensas tecnicas
- Lavurar cun maschinas
- Experimentar, perscrutar
- Planisar, organisar

Scolaziun

Manaschis

En in manaschi da producziun u da svilup da l'industria chemica, agrochemica, biotecnologica, farmaceutica u cosmetica.

Scola

1 di per emna a la scola professiunala.

Curs odaifer il manaschi

Emprender la lavur pratica, approfundar ed exercitar las basas professiunalas, 24 dis durant 2 onns.

Durada

2 onns

Cundiziuns d'admissiun

Terminà la scola obligatorica

Titel da finiziun

Practicist / Practicista da chemia e farmaceutica AFP

Furmaziun cuntinuonta

Curs

Purschidas da scolas spezialisadas e da scolas professiunalas spezialisadas sco er da l'associaziun aprentas

Emprendissadi supplementar

Practicistas e practicists da chemia e farmaceutica AFP pon per regla far in emprendissadi scursani sco tecnologa / tecnolog da chemia e farmaceutica AFQ. Suenter pon vegnir absolvidas las medemas furmaziuns supplementaras sco ina tecnologa u in tecnolog da chemia e farmaceutica AFQ.

Professiuns sumegliantas

Professiun

Practicist / Practicista da tractament da surfatschas AFP

<https://www.berufsberatung.ch/de/rm/professiun/practicist-practicista-da-tractament-da-surfatschas-afp>

Professiun

Practicist / Practicista da victualias AFP

<https://www.berufsberatung.ch/de/rm/professiun/practicist-practicista-da-victualias-afp>

Professiun

Elavuratur / Elavuratura da materia sintetica AFP

<https://www.berufsberatung.ch/de/rm/professiun/elavuratur-elavuratura-da-materia-sintetica-afp>

Ulteriuras infurmaziuns

Swissdoc Nummer

0.540.20.0

TODO

aprentas

<https://www.aprentas.com>

scienceindustries

<https://www.scienceindustries.ch>

ASC – Associaziun svizra dals mastergns da chemia e farmaceuticaceutica

<https://www.cp-technologie.ch>

TODO

<https://www.becc.admin.ch/becc/public/bvz/beruf/show/37006?lang=de>